

Kröfur og starfsumgjörð undanfarahópa

Markmið

Markmið þessa skjals er að skilgreina og útlista kröfur til undanfara og undanfarahópa varðandi: Hæfni, menntun, útbúnað, viðbragðstíma og þjálfun.

Skilgreining undanfarahóps

Undanfarar er hópur sem er hæfur til leitar og björgunar í fjallendi og öðrum erfiðum aðstæðum á landi. Hópurinn skal skipa að lágmarki 6 einstaklingum sem hafa mikla þekkingu á leit og björgun og eru tilbúnir að bregðast við hjálparbeiðni með stuttum fyrirvara.

Menntunarkröfur

Þjálfun félaga í undanfarahópum skal vera þannig háttað að a.m.k:

- 1/2 félaga hafi lokið námskeiði í Vettvangshjálpi í óbyggðum (WFR)
- 2/3 félaga hafi lokið fagnámskeiði í fjallabjörgun
- 1/3 félaga hafi lokið fagnámskeiði í snjóflóðum
- 1/3 félaga hafi lokið fagnámskeiði í leitartækni
- 1/3 félaga hafi lokið sérstakri þjálfun í rústabjörgun (Rústabjörgun 1)
- 1/3 félaga hafi lokið sérstakri þjálfun í straumvatnsbjörgun
- Hópurinn skal hafa innan sinna raða hæfa einstaklinga í vettvangsstjórnun

Hafi félagi lokið sambærilegu námskeiði og listuð eru hér að ofan er það á ábyrgð Björgunarskóla SL að meta hvort þau námskeið séu til jafns við fyrrgreind námskeið í menntunarkröfunum.

Hópmeðlimir skuli vera virkir í að miðla reynslu innan sem utan hópsins sem og að sækja sér endurmenntun.

Hæfniskröfur undanfara

Vera a.m.k. 20 ára. Hafa starfað sem fullgildur félagi í björgunarsveit í tvö ár, vera Björgunarmaður 1 og hafa lokið fagnámskeiði í fjallamennsku og námskeiðinu Fjallabjörgun 1. Til að verða undanfari þarf viðkomandi að uppfylla viðmiðunarkröfur undanfarahópa um persónulega hæfni og reynslu sem í gildi eru hverju sinni.

Viðbragðstími

Hópurinn þarf að vera þannig skipulagður að viðbragðstími við útkall sé sem skemmstur. Því þarf að tryggja að búnaður hópsins sé ávallt til taks í bækistöð.

Þjálfun

Undanfarahópar skulu æfa reglulega til að viðhalda þekkingu sinni. Hóparnir skulu eins og kostur er æfa saman til að tryggja samræmd samskipti og aðferðir.

Útbúnaður

Einstaklingsbúnaður

Hver undanfari verður að hafa meðferðis í útkall útbúnað og mat til að taka þátt í leit eða björgun í a.m.k. sólarhring við erfiðar aðstæður þar sem lítil eða enginn utanaðkomandi aðstoð er möguleg. Hver undanfari verður að hafa búnað til snjóflóðaleitar (snjóflóðayli, stöng og skóflu) og búnað til vetrarfjallamennsku (mannbroddar, ísaxir). Að auki verður hver undanfari að hafa í útkalli fjarskiptabúnað, VHF eða TETRA.

Hver einstaklingur verður að hafa meðferðis eftirfarandi fjallabjörgunarbúnað í útkalli:

Hjálmi	1x 10m af 8mm prussik
Klifurbelti	1x stutt tandem prussik (135cm langt fyrir hnút)
Amk 4 læstar karabínur	1x langt tandem prussik (165cm langt fyrir hnút)
Sigtól	1x 3,5 metra borði, 25mm, óbundinn (gulur)
2x línuhjól	1x 5 metra borði, 25mm, óbundinn (blár)

Búnaður hópsins

Undanfarahópur verður að hafa yfir að ráða fyrir útköll:

Sérhæfðan búnað til fjallabjörgunar	Neyðarskýli (e.tarp)
-tryggingar fyrir kletta, ís og snjó	Björgunarlínur (11mm)
-börur til fjallabjörgunar	Hver hópur ræður samsetningu lína en skulu hafa að
-búnaður hópsins skal miðast við að vinna við	lágmarki 280m af línunum. Línulengdir eru 70m, 140m
fjallabjörgun með tvöföldu kerfi (með aðal og	eða 210m.
öryggislínu)	GPS tæki á hverja 3 og kort af sínu heimasvæði
Sérhæfð sjúkragögn	Öflug leitarljós
Búnað til ummönunar sjúklinga í óbyggðum	
(teppi/svefnpoka)	

Formannaráð undanfara

Formannaráð samanstendur af formönnum allra undanfarahópa á landinu. Ráðið annast skipulagningu samæfinga og samhæfingu aðferða í fjallabjörgun. Ráðið sér einnig um samskipti við Landsstjórn og aðra aðila varðandi umgjörð og málefni sem varða undanfarahópana. Auk þess stuðlar ráðið að viðhaldi og dreifingu þekkingar í fjallabjörgun.

Hlutverk Landsstjórnar björgunarsveita gagnvart undanförum

Landsstjórn björgunarsveita, í samráði við formannaráð undanfara, fer yfir og uppfærir ef þörf er á kröfur og umgjörð undanfarahópa að lágmarki á þriggja ára fresti. Landsstjórn heldur einnig lista yfir meðlimi undanfarahópa. Landsstjórn tekur út og samþykkir eða hafnar undanfarahópum, að lágmarki á tveggja ára fresti.